

Headline **Ilmu nujum Melayu**
Date **14. Aug 2008**
Media Title **Berita Harian**
Section **Hip**
Circulation **217920**
Readership **2083000**

Language **MALAY**
Page No **13**
Article Size **493** cm2
Frequency **Daily**
Color **Full Color**
AdValue **8733.45**



“Kita perlu terus membuat kajian dalam usaha mengangkat ilmu nujum pada kedudukannya dan menggalakkan minat masyarakat terhadap khazanah seperti ini”

Hashim Ismail
Pensyarah Akademi Pengajian Melayu, Universiti Malaya



“Naskhah ini adalah khazanah bangsa yang perlu dipelihara kerana ia menunjukkan orang Melayu dulu bijaksana walaupun sains masih belum berkembang ketika itu”

Norhayati Rahman
Pensyarah Akademi Pengajian Melayu, Universiti Malaya

Oleh Rashiqah Ilmi Abd Rahim
rashiqah@bharian.com.my

PERSOALAN kerelevanan kitab ilmu nujum Melayu pada kaca mata bangsanya dikupas pada Seminar Bulanan Naskhah Melayu: Kitab Ilmu Nujum Melayu dalam usaha meletakkan khazanah warisan bangsa itu sebagai satu cabang ilmu.

Sebelum ini, majoriti bangsa Melayu melihat manuskrip ilmu nujum Melayu hanya pada taraf picisan kerana ia tidak diiktiraf secara sah oleh institusi pendidikan negara ini sebagai cabang ilmu yang boleh meninggalkan kesan terhadap minda masyarakat.

Pensyarah Institut Alam dan Tamadun Melayu (Atma), Universiti Kebangsaan Malaysia (UKM), Prof Dr Haron Daud, mengesahkan ilmu nujum Melayu selama ini sering dilihat tidak relevan dengan peredaran masa dan dianggap ketinggalan zaman.

"Pandangan negatif ini kerana ilmu nujum selama ini selalu ditafsir sebagai ramalan mengenai nasib manusia sehingga lebih mendekati makna astrologi sedangkan ia sebenarnya peninggalan lampau yang menggambarkan nilai dan kebijaksanaan masyarakat zaman dulu," katanya pada seminar di Akademi Pengajian Melayu (APM), Universiti Malaya (UM), baru-baru ini.

Bagaimanapun, beliau tidak

Ilmu nujum Melayu

Ia lambang kebijaksanaan bangsa bertamadun



BENTANG ISU: Kitab Ilmu Nujum Melayu yang dibincangkan Dr Haron mendedahkan manuskrip terbabit tidak sama dengan astrologi.

mengalakkan masyarakat mempercayai kandungan manuskrip sepenuhnya dan cukup sekadar mewakili lambang cara pemikiran masyarakat Melayu silam dalam membuat ramalan mengenai sesuatu perkara.

"Saya memperjuangkan manuskrip ini bagi menyedar-

kan masyarakat Melayu khususnya generasi muda yang tidak mengetahui bahawa bangsanya memiliki identiti serta tamadun tersendiri sejak zaman dulu," jelasnya.

Prof Dr Haron yakin ilmu nujum membuktikan masyarakat Melayu pernah meng-

ungkapkan ilmu pada zaman kegemilangannya dan jika manuskrip terbabit dapat dimartabatkan serta diberi kepercayaan, ia mampu menjadi ilmu yang dapat menjana minda bangsa Melayu.

Justeru, beliau turut berharap ilmu nujum Melayu di-

“Saya memperjuangkan manuskrip ini bagi menyedarkan masyarakat Melayu khususnya generasi muda yang tidak mengetahui bangsanya memiliki identiti serta tamadun tersendiri”

Dr Haron Daud
Pensyarah Institut Alam dan Tamadun Melayu (Atma), UKM

teliti dengan melakukan kajian saintifik seperti bagaimana masyarakat dulu mengaitkan kejadian alam berasaskan peredaran musim dalam membuat ramalan.

"Walaupun ramalan ini biasanya terjadi secara kebetulan dan tiada fakta sahih bagi menentukan kebenarannya, kita perlu faham bahawa asas utama yang ingin ditonjolkan adalah kehebatan pemikiran masyarakat dulu dan menghargai naskhah ini kerana nilai sejarahnya pada bangsa kita," katanya.